

# Powšitkowne WOZJEWJENJA

njedźelu, 25. februara 2024

## Póstny seminar z abtom z Jerusalema

„Nadal dosć městna – W kotrej měrje je cyrkej za towaršnosť trěbna?“ je tema póstnych seminarow w Smochčanskim kubłanišću swjateho Bena. Wone wotměja so tam po póndźelach 26. februara, 4. a 11. měrca. Započatk je stajnje w 19.30 hodź. Přeni wječor budže abt Nikodemus Schnabel z Jerusalema k temje „Wy sće sól zemje“ referować. Tydžeń pozdžišo budže so propst Benno Schäffel z Kamjenicy temje „Dokal tež džeš, Bóh tu hižo je“ wěnować.

## Wječorne modlenja w póstnym času

Dekanatna młodžina je w póstnym času na zhromadne wječorne modlenja přeprašena. Přichodne tajke budže přichodnu sobotu, 2. měrca, w Pančicach-Kukowje. Přizamknje tej so předstajenje filma a rozmołwa. Poslednje tajke modlenje budže sobotu, 9. měrca, w Kulowje. Po tym zetkaja so wobdźělnicy w Třelcowskim domje k hram a sportej. Započatk je stajnje w 20.00 hodź.

## TCM přeprašuje na wulět a wopyt putniskeho městna

Sekcija Wěda a skutk Towarstwa Cyrila a Metoda z.t. (TCM) přeprašuje wot soboty do srjedy, 21. do 25. septembra, wulět do Ruppoldinga. Wottam poda so skupina do Salzburga, Tirola, Reit im Winkel, na kupu Fraueninsel w Chiemskim jězorje kaž tež na putniske městno Altötting. Zajimcy měli so hač do štwórtka, 29. februara, w redakciji Katolskeho Posoła přizjewić, telefonowe čisło (0 35 91) 55 02 10. Zdobom měli na konto TCM potom 200 eurow napłaćić: Cyrill-Methodius-Verein e.V., IBAN DE65 7509 0300 0008 2823 66, hesło: „Ruppolding“.

## Zetkanje samostejacych

Samostejacy ze serbskich wosadow su na swoje přichodne zetkanje wutoru, 12. měrca, w 14.00 hodź. do Smochčanskeho kubłanišća swjateho Bena přeprašeni. Zajimcy njech so hač do wutory, 5. měrca, w redakciji Katolskeho Posoła přizjewja, telefonowe čisło (0 35 91) 55 02 12. Dalši zajimcy kaž tež ći, kotřiž njejsu samostejacy, su tohorunja wutrobnje witani. Kóždy njech sej Wosadnik sobu přinjese. Štóž chce wotewzaty być, njech to prošu zdžěli.

## Modlenje w Róžeńće

Na modlenje před Najswjećišim su wěriwi sobotu, 2. měrca, we 18.00 hodź. do Róžeńčanskeje hnadowneje cyrkwje přeprašeni. Pačerje budu w serbskej a němskej řeči spěwane.

## Přednošk wo skutkowanju a tworjenju Ernsta Barlacha

Žiwjenje a skutkowanje němskeho rězbarja, spisowacela a basnika Ernsta Barlacha (1870–1938) steji sobotu, 9. měrca, w 19.30 hodź. w Smochčanskim kubłanišću swjateho Bena w srjedzišću. Referować budže wuměłstwowa historikarka Marianne Risch-Stolz. Zajimowani su wutrobnje přeprašeni. Zastup je darmotny.

## **Kemše w radiju tutu njedźelu ze Smochćic**

Rozhlósowy sćelak MDR Kultur wusyla tutu njedźelu, 25. februara, w 10 hodź. live Božu mšu ze Smochćanskeje cyrkwy swjateho Bena. Celebrant a předar je emeritowany kanonik dr. Bernhard Dittrich. Hudźbne wuhotowanje přewozmu cyrkwinsky hudźbnicy Drježdžansko-Mišnjanskeho biskopstwa pod nawodom katedralneho kapałneho mištra a chóroweho direktora Christiana Bonatha.

## **Putniska jězba**

Na serbsku putnisku jězbu do Augsburga a Maria Vesperbild wot pónđzele do štwórtka, 15. do 18. julija, přeprašuje Radworske Šmitec busowe wozydłownistwo. Duchowny nawod změje farar Gabriš Nawka. Přizjewjenja přijimuje Šmitec wozydłownistwo, telefonowe čisło (03 59 35) 28 60.

## **Zakónčenje wustajeńcy „Ducy domoj“**

Finisaža wustajeńcy „Ducy domoj“ w Budyskim Serbskim muzeju budže tutu njedźelu, 25. februara. Wot 15.00 hodź. fotografikar Jürgen Maćij w němskej rěči posledni raz po njej powjedže. Wot 16.00 hodź. přizamknje so rozmołwa mjez nim a profesorom dr. Berndom Lindnerom mjez druhim wo wustajenych wobrazach.

## **Jězba w lětnich prózdninach do Lückendorfa**

Dekanatne dušepastyrstwo za džěci přeprašuje šulerki a šulerjow 5. do 8. lětnika klětu w lětnich prózdninach na jězbu do Lückendorfa w Žitawskich horach. Wona wotměje so wot pónđzele do pjatka, 8. do 12. julija 2024. Swójski přinošk na wobdžělnika wučinja 110 eurow. Přizjewjenja přijimuja hač do njedzele, 31. měrca 2024, online. Link na wotpowědnu stronu je pod [www.posol.de](http://www.posol.de) wozjewjeny.

## **Pytaja přidatnu hladansku wosobu**

Hornjołužiski zwjazk Carity pyta k najblišemu móžnemu terminej za swoju Dnjowu hladarnju „Při Krabatowym puću“ we Worklecach přidatnu hladansku wosobu jako zastup za čas chorosće. Džěłowe zrěčenje je na znajmjeńša 20 hodźin wobmjezowane, zwyżenje hodźin a podlěšenje zrěčenja pak je móžne. Požadanja přijimuje wjednica dnjoweje hladarnje Jěwa-Marja Šnajderowa pod adresu Při zelenišćach 5, 01920 Worklecy, abo z mejlku na [e.schneider@caritas-oberlausitz.de](mailto:e.schneider@caritas-oberlausitz.de). Pod telefonowym čisłom (03 57 96) 94 24 70 dóstanu zajimcy tež dalše informacije. Nadrobne wupisanje je pod [www.posol.de](http://www.posol.de) wozjewjene.

## **Mjezynarodna konferenca wo cyrkwinskih stawiznach**

„Budyšin, Praha, Rom. Splećenja a interakcije w cyrkwinskih stawiznach centralneje Europy“ rěka hesło mjezynarodneje wědomostneje konferency Serbskeho instituta a Praškeje Karloweje uniwersity, kotraž wotměje so wot štwórtka do soboty, 14. do 16. měrca, w Budyskim Serbskim domje. Mjez druhim přednošujetej pjatk, 15. měrca, dopołdnja cistercienska sotra Tadeja Zelnakec z Pančic-Kukowa wo „Marijinej hwězdze a swěće cisterciensow w zažnym nowowěku“ a samsny dzeń popołdnju dr. Lubina Malinkowa z Rakec wo „Pućowanskim dženiku Jurja Wawrika ‚Putnikowanje z klóštra Marijineje hwězdy do Roma‘ (1842)“. Sobotu, 16. měrca, budžetaj mjez referentami tež dr. Annett Brězanec z Hornjeje Hórki, wěnowaca so „Lětopisej serbskeho studentskeho zjednoćenstwa ‚Serbowka‘ w Praze (1846/47–1924/25)“, a kapłan dr. Jens Buliš z Wotrowa, kiž budže wo temje „Naslědne mjerzanje. Mišnjanski biskop Christian Schreiber a Serbja“ referować. Wšitcy zajimcy su wutrobnje přeprašeni. Organizatoriskich přičin dla prosy Serbski institut wo přizjewjenje hač do najpozdžišo wutory, 12. měrca, z mejlku na [si@serbski-institut.de](mailto:si@serbski-institut.de). Flajer z nadrobnym programom a referentami je pod [www.posol.de](http://www.posol.de) wozjewjeny.

## **Pytają pomocnu wosobu za hladanje**

Dom swjateje Ludmile w Chrósćicach pyta pomocnu wosobu za hladanje, k čemuž njeje wukubłanje trěbne. Mjez druhim poskićuja wobšěrne a dokładne zadźěłanje, džěło w dynamiskim teamje kaž tež wobstajne dalekubłanja. Nadrobniše informacije poda nawodnica Mónica Wencłowa, telefonowe čisło (03 57 96) 94 73 30. Požadanja přijimujaja z póštu na adresu: Dom swjateje Ludmile, Zejlerjowa 4, 01920 Chrósćicy abo z mailku: hl-stl@caritas-ddm.de.

## **Chorych a mrějacych přewodźeć nawuknyć**

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju ćežkochorych a mrějacych. K tomu trěbnu wědu posrědkuje w zakładnym kursu, kotryž wotměje so wot 20. měrca hač do 4. meje trójce srjedu wot 17.00 do 20.00 hodź. kaž tež štyri króć sobotu wot 9.00 do 15.00 hodź. Na to scěhuje praktikum z dalšimi štyrjomi zetkanjemi. Pohłubšacy kurs je w septembru planowany. Štóz chcył wukubłanje absolwować, měł so pola hospicnej služby Carity w Kamjencu pod telefonowym čisłom (0 35 78) 37 43 12 abo z mejlku na hospiz@caritas-oberlausitz.de přizjewić. Flajer z dalšimi informacijemi a terminami je pod [www.posol.de](http://www.posol.de) podaty.

## **Zwukowa instalacija w Rakečanskej ewangelskej cyrkwi**

Nowu spirituelnu zwukowu instalaciju k temje „Lubowany“ móža wopytwarjo w Rakečanskej ewangelskej cyrkwi dožiwić. Wuwił a zwoprawdźił je ju znowa komponist Norbert Binder z podpěru tamnišeho Pawołskeho chóra. Zdobom su solisća a džěćacy chór 6. lětnika Pawołskeje šule sobu zapřijeći. Wot Heika Hahnela programěrowane swětłowe efekty hudźbu, kotraž je z 21 wótřerěčakow słyšeć, wizuelnje podkładu. Awdiowizuelna instalacija je hač dosrjedź měrca wšědnje wot 9.00 do 20.00 hodź. přistupna. Zastup je darmotny.

## **Rjad přednoškow wo psychiskich chorosćach**

Hornjołužiske telefonowe dušepastyrstwo přeprašuje na rjad přednoškow wo depresijach, přewenciji přećiwo suicidej, samoće abo psychiskej strowoće. Wone steja pod hesłom „Njejsy sam“ a wotměwaja so wotměnjejo w Šěrachowje a Kamjencu. Přenje zarjadowanje budže štwórtk, 14. měrca, wot 18.30 do 21.00 hodź. we wosadnym domje w Šěrachowje. Referentka Julia Müller wěnuje so temje „Depresije – hdyž duša płaka“. Cyłkowny přehlad temow, referentow a městnosćow je pod [www.posol.de](http://www.posol.de) wozjewjeny. Přizjewjenja njejsu trěbne. Zastup je darmotny.

## **Putnikowanje do Medźugorja**

Na dwurěčnu putnisku jězbu do Medźugorja su zajimcy klětu w měrcu a w oktobrje přeprašeni. Přenju jězbu wot soboty do soboty, 16. do 23. měrca, organizuje Enrico Šołta. Přizjewjenja přijimuje wón pod telefonowym čisłom (01 62) 9 62 83 70 abo z mejlku na [enrico.scholze@t-online.de](mailto:enrico.scholze@t-online.de). Zamołwita za dalšu jězbu wot soboty do soboty, 12. do 19. oktobra, je Regina Kurjatowa. Zajimcy móža so pola njeje pod čisłom (03 57 92) 5 13 77 abo z mejlku na adresu [Regina.Kurjat@web.de](mailto:Regina.Kurjat@web.de) přizjewić.